

SIARAN AKHBAR

S.A. 2023/11/17_57 (HQ)

TNB SIAP SIAGA, SEDIA GERAKKAN ASET STRATEGIK SEBAGAI LANGKAH PERSEDIAAN HADAPI MUSIM TENGGUJUH

Tenaga Nasional Berhad (TNB) telah bersedia menggerakkan aset-aset strategik dan mobiliti warga kerjanya bagi menangani musim tengkujuh yang dijangkakan bermula pada 11 November hingga Mac tahun depan, kata Ketua Pegawai Rangkaian Pembahagiannya (Chief Distribution Network Officer), Wan Nazmy Wan Mahmood.

Menurutnya, bagi persediaan awal menghadapi musim monsun timur laut kali ini, TNB telah menyediakan 247 set janakuasa mudah alih (*portable genset*), 279 unit lori, 38 buah bot, 296 set janakuasa bergerak (*mobile genset*) dan 885 unit kenderaan pacuan empat roda.

Di samping itu, warga kerja teknikal TNB yang terlibat dengan tugas-tugas penghentian sementara dan penyambungan serta pemulihan bekalan akan diberikan dengan 108 unit lampu limpah (*flood lights*) serta 10 unit telefon satelit.

Wan Nazmy turut menyatakan, “Kami juga telah meneruskan pelbagai tindakan seperti peningkatan tapak pencawang dan pemasangan penghadang banjir (*flood barrier*). Kami juga melaksanakan penandaan aset untuk memudahkan pemantauan perubahan arah aliran (*trend*) banjir demi meningkatkan pengurusan bencana banjir atau mengurangkan kerosakan pada pemasangan TNB.

“TNB sedia untuk membuka bilik gerakan dan menggerakkan pasukan di kawasan yang terjejas sekiranya berlaku banjir. Lokasi-lokasi strategik yang tidak mungkin ditenggelami air telah dijadikan tapak sebagai stor sementara, pusat peralatan ujian dan pusat pengagihan kerja. Petugas bilik gerakan dan barisan hadapan TNB juga berada dalam situasi siap siaga. Kami turut mengenal pasti sistem yang memerlukan keutamaan untuk tindakan penutupan dan pengasingan bekalan,” tambahnya.

Selain itu, perancangan awal telah dibuat untuk pergerakan set janakuasa bergerak dan mudah alih ke kawasan-kawasan strategik. TNB juga mengawasi amaran cuaca melalui melalui Analisa Banjir dan Penilaian Risiko (Flood Analysis & Risk Assessment, FARA) serta mendapatkan maklumat dari Banjir Jabatan Pengairan dan Saliran (JPS) dan Portal Bencana Agensi Pengurusan Bencana Negara (NADMA).

Wan Nazmy turut memberi nasihat kepada orang ramai agar berhati-hati semasa menggunakan peralatan elektrik jika premis mereka dinaiki air. Mereka dinasihatkan untuk mengelakkan sentuhan terhadap alat elektrik atau suis dengan tangan yang basah dan

S.A. 2023/11/17_57 (HQ)

lembap bagi mengelakkan risiko renjatan elektrik dan mendapatkan khidmat kontraktor pendawaian yang berdaftar dengan Suruhanjaya Tenaga untuk memeriksa pendawaian di premis yang dinaiki air setelah banjir surut.

Wan Nazmy mengingatkan, “Pegguna yang mengalami pemutusan bekalan elektrik ketika musim banjir dinasihatkan untuk menghubungi TNB di talian 15454 atau melalui Facebook TNB Careline untuk mendapat bantuan dan tindakan susulan TNB. Pasukan Bertindak Kecemasan TNB yang beroperasi 24 jam sedia untuk menyambung semula bekalan elektrik yang terputus dengan kadar segera.”

Dikeluarkan di Kuala Lumpur pada 17 November 2023, jam 10:00 pagi

*Untuk pertanyaan lanjut media, sila hubungi Hanim Idris 019-2617617 /
Grace Tan 016-6626229 / Faiq Haikal 013-3889606 / Atikah Aqilah 011-10772731
atau emel kami: media@tnb.com.my*



Wan Nazmy Wan Mahmood
Ketua Pegawai Rangkaian Pembahagian TNB (TNB Chief Distribution Network Officer)



Tenaga Nasional Berhad (TNB) terus melaksanakan kerja-kerja seperti meninggikan tapak pencawang dan memasang penghadang banjir (flood barrier) untuk memperbaiki pengurusan bencana banjir dan mengurangkan kerosakan pada pemasangan TNB.



Pasukan janakuasa bergerak (*mobile genset*) TNB telah disiapkan untuk tindakan segera dan boleh diaktifkan pada bila-bila masa apabila diperlukan bagi mengurangkan kesan banjir di kawasan yang terjejas.